

IN NOMINE JESU !



Illustris est *Concio Christi-Salvatoris, Johann. V* quæ mera complectitur *Oracula. Montes sapientiarum* ab his dependerent, si quis illa digne satis considerare posset. Illud certe, quod *commate 17.* legitur, tanta *verborum brevitæ pondera* tot *sententiarum* lectoribus offert, ut quid *primo, secundo, vel tertio* notandum sit ordine, vel loco sit adducendum, nullatenus appareat. *Pater meus* inquit *Oratorum Summus, usq; modo operatur, & Ego operor* : Singula *verba* singula sunt *pondera, vel etiam ponderum Mystera.* Nobis hac vice *Mysteriorum* istorum *abyssum* introspicere non licet, cum neque *ratio temporis, neque forma scriptionis* hoc admittant. *Breve Programma* scribimus, & in eo potissimum ad *Curriculum Vitæ Praclari Candidati Theologia* respicere debemus : vel igitur nullus, vel satis arctus *mysteriis* vel magnis, vel multis exponendis conceditur locus. Interim ex hoc ingenti *Mysteriorum mari,* quod longe, lateqve diffunditur in brevissimo *Salvatoris Apophthegmate,* saltem *gutulas* aliquas haurire, & divitias præsentis *Oraculi Classici* luculenter aperire placet. Si quis ex eodem *Doctrinam de Natura Dei* desideraret, & ipsam *Essentiam Divinam, & Attributa Deitatis, & Opera* pariter *Dei,* declarare posset. *Naturam* certe *Dei* clare satis *Doctores Doctores* ostendit, dum *Patrem Universitatis, Autorem rerum primum Causam primam, & Principium primum* adducit, quæ *Pater καὶ ἐξοχὸν* est, ex quo *Paternitas* omnis in cælis, & in terra nominatur, *Ephes. III, 15.* adeoque verus *Patrum Pater, Ens Entium, & Essentia Essentiarum.* *Attributa* certe nullatenus hic deficiunt. Est *unus, est primus, est summus, est optimus, Maximus, infinitus, immensus, & aternus, Pater,* qui semper, & ab aeterno fuit operatus, semper, & *usq; modo* potenter operatur, & in omnem aternitatem operaturus est. Quid dicam de *sapientia, de potentia, de bonitate, seu benevolentia; deque beneficentia, hujus Cause Catholica?* Integer *Catalogus Attributorum* divinorum ex *verborum copia* notari posset, si modo nostris verbis locus annotationis dari posset. Denique tam *dives* est *Operum divinorum,* ut nullum eorum inveniat, quod in hac *Ἐργασίᾳ Christi* non reperiat. Nos ex his *Dei Naturam, Dei Attributa, Dei* pariter *Opera,* perspicuè colligimus, sed